



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-444; 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-2-40-346-2/25**

Datum: **20.08.2025. godine**

«Agencija za vodno područje rijeke Save» Sarajevo rješavajući po zahtjevu Hodžić (Adem) Jasminka iz Kaloševića, općina Tešanj, za donošenje Rješenja o vodnoj saglasnosti za ispuštanje tehnoloških i oborinskih onečišćenih voda u prirodni recipijent sa lokacije poslovno proizvodnog objekta namjene: proizvodnja tečnosti za vjetrobranska stakla, tečnosti za rashladne sisteme te skladištenje i pakovanje motornih i industrijskih ulja za prodaju u naselju Kalošević, općina Tešanj, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### **R J E Š E N J E** **o vodnoj saglasnosti**

- Hodžić (Adem) Jasminku iz Kaloševića, općina Tešanj, daje se vodna saglasnost za ispuštanje tehnoloških i oborinskih onečišćenih voda u prirodni recipijent sa lokacije poslovno proizvodnog objekta namjene: proizvodnja tečnosti za vjetrobranska stakla, tečnosti za rashladne sisteme te skladištenje i pakovanje motornih i industrijskih ulja za prodaju, koji se planira graditi u naselju Kalošević, na zemljištu označenom kao k.č. 248 K.O. Kalošević, općina Tešanj, a na osnovu projektne dokumentacije:
  - Glavni projekat – Poslovno proizvodni objekat na k.č. broj: 248 K.O. Kalošević, općina Tešanj Investitor Jasminko Hodžić, urađen od strane «IBIS» d.o.o. Zavidovići (broj: 59-IB-G/25, juli 2025. godine) te revidovan od strane «TEAM HIDRO» d.o.o. Sarajevo, august 2025. godine).  
Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 17/23).
- Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
- Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
  - Radove na objektima i sistemu za prikupljanje, prečišćavanje i ispuštanje tehnoloških i ostalih otpadnih voda izvesti u skladu sa ovjerenom projektnom dokumentacijom iz tačke 1. ovog Rješenja.
  - Način ugradnje separatora i stavljanje istog u pogon uskladiti sa uputama proizvođača opreme u svim fazama.
  - Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
  - U toku radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
  - U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
  - Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 06-19-1-253/24 od 04.07.2025. godine izdatog od strane Služba za katastar, urbanizam i imovinsko-pravne poslove Općina Tešanj.
- Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
- Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenom ovom vodnom saglasnošću, korisnik zaštitnih vodnih objekata nije odgovoran za nastale štete.

6. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
7. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja
8. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19, 41/20 i 63/22).
9. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeta izgradnja.
10. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Hodžić (Adem) Jasminko iz Kaloševića, općina Tešanj, obratio se ovoj Agenciji sa zahtjevom za izdavanje vodne saglasnosti, zaprimljenim dana 19.08.2025. godine, za poslovno proizvodni objekat namjene: proizvodnja tečnosti za vjetrobarska stakla, tečnosti za rashladne sisteme te skladištenje i pakovanje motornih i industrijskih ulja za prodaju, planiran u naselju Kalošević na zemljištu označenom kao k.č. 248 K.O. Kalošević, općina Tešanj, a u postupku pribavljanja odobrenja za građenje.

U provedenom postupku dostavljena je i pregledana sljedeća dokumentacija:

- Kopija lične karte Hodžić (Adem) Jasminko,
- Kopija Mišljenja broj: 05/2-19-5-348/24 datog dana 24.04.2024. godine od strane Federalnog ministarstva okoliša i turizma Sarajevo (nije potrebno provođenje prethodne procjene uticaja na okoliš ni izdavanje okolišne dozvole),
- Kopija Rješenja o prethodnoj vodnoj saglasnosti broj: UP-1/21-1-40-282-10/24 izdatog dana 05.03.2025. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti broj: 06-19-1-253/24 za izgradnju poslovno proizvodnog objekta u Kaloševiću na k.č. broj: 248 K.O. Kalošević izdatog dana 04.07.2025. godine od strane Služba za katastar, urbanizam i imovinsko-pravne poslove Općina Tešanj (rješenje izdato za Buljubašić Amila – uposlenik Agencije za nekretnine «GEOMEDIA» d.o.o. Jelah – Tešanj, punomoćnik Hodžić Jasminka iz Kaloševića),
- Glavni projekat – Poslovno proizvodni objekat na k.č. broj: 248 K.O. Kalošević, općina Tešanj Investitor Jasminko Hodžić, urađen od strane «IBIS» d.o.o. Zavidovići (broj: 59-IB-G/25, juli 2025. godine) - na uvid i ovjeru,
- Izveštaj o izvršenoj tehničkoj kontroli-reviziji projektne dokumentacije urađen od strane «TEAM HIDRO» d.o.o. Sarajevo, august 2025. godine,
- Dokaz o uplaćenju upravnoj taksi.

Nakon uvida u dostavljenu dokumentaciju konstatovano je sljedeće:

- U predmetnom poslovno proizvodnom objektu (spratnosti P+0) planiranom u naselju Kalošević na zemljištu označenom kao k.č. 248 K.O. Kalošević, općina Tešanj vršiće se proizvodnja tečnosti za vjetrobarska stakla, tečnosti za rashladne sisteme kapaciteta 1000 l/dan miješanjem gotovih komponenti na sobnoj temperaturi, skladištenje i pakovanje motornih i industrijskih ulja za prodaju koja se isporučuju u cisternama od 25.000 l i pakuju u pakovanjima od 0,1 l do 200 l.
- Predmetna parcela se ne nalazi u vodnom dobru, poplavnom području vodotoka I kategorije, niti u području zaštitnih zona površinskih i podzemnih voda.
- Tehnološke otpadne vode koje eventualno mogu nastati u samom objektu (u slučaju pretakanja ulja i maziva - akcidentne situacije), kao i oborinske onečišćene vode sa platoa oko objekta i prilazne saobraćajnice će se prikupljati zasebnim kanalizacionim sistemom sa slivnicima i slivnim rešetkama i odvoditi na tretman u separator masti i ulja. Preliv iz separatora je, preko okna za monitoring, u bezimni potok.
- Predviđeno je da se snabdijevanje vodom za sanitarne potrebe uposlenih, tehnološke potrebe i hidrantsku mrežu obezbijedi iz gradskog vodovodnog sistema kojim upravlja JP «RAD» d.d. Tešanj. Sanitarne fekalne vode iz toaleta za uposlene će se ispuštati u vodonepropusnu septičku jamu bez preliva.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti izdala Služba za katastar, urbanizam i imovinsko-pravne poslove Općina Tešanj.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti broj: UP-1/21-1-40-282-10/24 izdatog 05.03.2025. godine od strane ovog organa, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat – Poslovno proizvodni objekat na k.č. broj: 248 K.O. Kalošević, općina Tešanj Investitor Jasminko Hodžić, urađen od strane «IBIS» d.o.o. Zavidovići (broj: 59-IB-G/25, juli 2025. godine), data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Prilog:

- Ovjerenana projektna dokumentacija: Glavni projekat – Poslovno proizvodni objekat na k.č. broj: 248 K.O. Kalošević, općina Tešanj Investitor Jasminko Hodžić, urađen od strane «IBIS» d.o.o. Zavidovići (broj: 59-IB-G/25, juli 2025. godine)
- Izvještaj o izvršenoj tehničkoj kontroli-reviziji projektne dokumentacije urađen od strane «TEAM HIDRO» d.o.o. Sarajevo, august 2025. godine

Po ovlaštenju  
Rukovodilac Sektora za izdavanje vodnih akata



Nihad Pezo, dipl.inž.građ.

Dostaviti:

- Hodžić (Adem) Jasminko  
Kalošević br 153 Jelah, 74260 Tešanj (prilog)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava